

ME CAR AMIS, AT SCRIV DAL PARADIS:
 A J'Ò CIAMA 'L PERMÈS PR'AVNÌ 'NS LA TÈRA...
 'M L'ÒN NENT' CUNCÈS, PERCHÈ CH'L'È 'NA RÜDÈRA...
 ACSÉ A DEV SPICÈ CUC LISANDREN
 CH'UM DIGA S'LA VA MA' O S'LA VA BEN.
 AL SAT CHE ÒNCHE CHI AN PARADIS
 A L'È CME DAPERTÜT MOND E PAIS?
 S'A T'ÀI D'ABZÒGN CHICCÒS, QUÒNDI T'AL TROVI
 'T L'UTENI SULAMENT S'AT ONZI 'L ROVI.
 J'È J'ÒNGEL CHE S'T'AI GRATI NENT... EL J'ALI
 IT MÒNDU SÜBIT FORA DA 'NT EL BALI...
 PENSÈ CHE PROPÌ LUR CH'I NA J'ÒN MEA
 I SON I PRIM A DIT CH'AT VAQHI VEA!
 FINA 'L PURTJÉ, CH'L'È 'L ME AMIS SÒN PEDER,
 PÈR DÈM AL "PICCOLO" A DEV LAVÈI I VEDER...
 E S'A PRUTÈST, UM MÒNDA COI GIDÉ
 A FÈ PULID I CESU COI BIDÉ!
 AL SAT 'SE CH'I M'ÒN DACC PÈR PENITENSA
 PR'AVEI RUBA 'N SALAM DA LA DISPENSA?
 M'ÒN' SÜBIT FACC UARDÈ PÈR PUNISION
 TÜCC I PRUGRAMA CH'J'È 'N TELEVISION!
 U L'AVA ZÀ CAPI ÒNCHE U SIGNUR
 CH'U J'È DI SÒNT CH'I SON DI BATACANI,
 PERÒ U NA J'È 'D CUI AN MÈZ A LUR
 CH'IS DÒN DA FÈ SGUBÒNDA PÈR TÛT L'ANI.
 U SÒNT PÜ DISGRASIÀ L'È SÒNT'ANTÒNI,
 T'AL VIGHI QUAZI SEMP' SACRAMENTA
 E TÛT LA CULPA A L'È 'D CUL PÖVER DÒNI
 CHE PÈR MARJÈS IJ TIRU DEL SUCLA'.
 E SÒN GENNARO? L'È SEMP DA LA MADÒNA...
 AL VA CUNTINUAMENTA ROMPJI 'L SCATULI
 PÈR FÈ SIGNÈ DI GÒL A MARADONA
 E VENSÌ LO SCUDETTO PÈR U NAPULI...
 U J'È U SIGNUR CH'AL FA 'NA PENITENSA!
 U TUCA RICURDÈSI TÜCC I NÒM
 AD CUI CH'I VÒN DA LÜ PÈR N'INDULGENSA...
 E IJ BRÜZU I PÉ CON 'NA CANDEILA AN MÒN!
 IN SÒNT CH'US BUGIA MAI L'È BAUDULEN
 (MEA PÈR NIENTE L'È U SÒNT DI LISANDREN)
 S'AT SPERI ANT IN MIRACUL O 'NT 'NA GRASIA...
 L'È TÒNT CH'UT MÒNDA NENTA 'NA DISGRASIA!
 E QUÒND CH'IL CIAMU... A L'OUSA SEMP' EL SPALI
 E DÒP CON ARIA STÒNCA US GRATA... EL J'ALI!

SE DA VUJATER, MINISTR' E DEPIITÀ,
 J'ÒN SEMPER LA MEDEZIMA MISTA,
 CHI DA NUJATER J'È I SÒNT DEL PARADIS
 CHE 'NS EL PULTRON-NI... J'ÒN ZÀ PIANTÀ 'L RADIS!
 PÜTÒST AD SLUNTANÈS DA LA PULTRON-NA...
 I DRÒMU DA SETÀ PÈR TÛT LA SMÒN-NA,
 AN PÜ 'SI FÜRBAZION PÈR SARÈ J'OQQ...
 IS SON FACC FÈ 'L PULTRON-NI CON EL BOGG!
 ÒNCHE U SIGNUR U SA CHE ÒGNI TÒNT
 I PÈRDU LA PASIENSA ÒNCHE I SÒNT...
 E QUÒND CH'I TIRU 'N CRISTU DA BALURD,
 PÈR NENT PUNIJ... U DIZ CH'A L'È 'VNI SURD!
 PÈR DIMUSTRÈ A TÛCC LA SO BUNTÀ
 L'À FACC AVNI DADSA CHIC DEPIITÀ:
 IL SAVU MEA CHE PÈR AVEI EL J'ALI...
 U J'È TUCÀ PASÈ DAU 'TAJABALI!
 A CUI TEMP LÀ, A ME 'M J'ÒN NENT' TAJAJI,
 MA SÜBIT DÒP, EL LEGG I SON CAMBIAJI;
 L'È 'NLURA CHE 'N PÒ PRIMA 'D BITÈ 'L J'ALI
 IT FAVU PIÈ 'L J'IMPRONTI... GENITALI
 COL CÜ 'NT 'NA BAGINÈLA PEN-NA 'D GÈS
 FÒND'ATENSION CH'L'AVNIISA NENTA SPÈS...
 CHICDÈN CH'L'È STACC SETÀ 'N MINÛT AN PÜ...
 ADÈS A L'À 'L BASEN A TACA 'L CÜ!
 E 'L PEZ A L'È CHE QUÒND CH'UI GIRA 'L BALI
 UI GIRA ÒNCHE 'L BASEN... CH'UI SPÜMA EL J'ALI!
 AL SAT CHE 'L PARADIS L'È QUAZI VOJ
 E CHE L'INFÈRN A L'È GIUTÌ CME IN OY?
 SE LÈ DABAS I RÛZJI PÈR N'ALÒGG...
 AN PÜRQATÒRI IS "MASU" PÈR IN BOGG!
 FIN LA MADÒNA CH'L'È SEMPER STACIA PIA
 LA RÛZIA CON SO FIÒ PÈR L'AMNISTIA...
 L'AURIVA CH'U LA DEISA PÈR NADAL...
 PÈR VIGHI CME CH'L'È FACC IN CARDINAL!
 ANCURASÈ CH'A L'A U TRAVAJ CH'AL PUSA
 SEDNÒ UM FAVA VIGHI BARBARUSA...
 : PASÈ CO'IS'ATERLÉ LA VITA ETÈRNA...
 L'È TÒNT CME STÈ TREI DÌ CON LA CEDÈRNA!
 ANMAC A NUMINÈLA... A SENT CH'AM SCAPA...
 E CHI S'T'AT FAI ADÒS "POPÒPIPI",
 IT MÒNDU PÈR SENT'ANI A FÈ 'NA TAPA
 AN MÈZ A J'ANSANSÀ E I RIMBAMBI!
 E S'T VORI NENT'FINÌ AN CA D'J'ARUABI
 J'EZIST 'NA LEGGE SULA: FA CH'AT N'ABI!